



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX: || DE
CANONICA ET MO- || nastica Disciplina collapsa
restau- || randa, pristinoque nitori || restituenda. ||**

Schulting, Cornelius

Coloniae Agrippinae, 1599

VD16 ZV 14233

6. Co[n]clusiones paucae de tota Iurisdic. Ecclesiastica

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

sedibus hæreticos deposuissent ac merito puni-
uissent, nisi penes se cohibitiuam Iurisdictionem
esse intellexissent: sic Arrius à Concilio Nicce-
no, sic Macedonius à Constantinopolitano sic Ne-
storius ab Ephesino, alij denique ab alijs condem-
nati sunt. Totus postremò quintus liber Decreta-
lium, qui de poenis inscribitur, aduersariorum
errorem improbat & confutat.

CAPVT VI.

Conclusiones pauca de vniuersa Iurisdictione Ecclesiastica.

Prima Conclusio. Sicuti duplex est forum, v-
uum conscientia, alterum causarum: ita pote-
stas Iurisdictionis est duplex. De potestate Iuri-
dictionis quoad causas & negotia in Decretis ha-
betur hoc modo. Aliud est terminum causas im-
ponere, aliud est scripturas sacras diligenter ex-
ponere, Hac potestate, vt emendet & corrigat a-
liquem, potest ipsum excommunicare & ab Ec-
clesia separare, de qua Matthæi 18. cap. & ad hanc
refertur Disciplina Ecclesiastica, de qua agimus.
Potestas hæc Iurisdictionis dicitur cohibitiua,
quia fertur etiam in inuitos, sed in altera nemò
absoluitur vel ligatur inuitus. Secunda Conclu-
sio. Separantur hæc potestates, quia simplices sa-
cerdotes quibus commissa est cura animarum, quæ
in foro conscientia est, habent sine altera, &
contra qui sunt iudices in foro causarum habent
potestatem illam sine sacerdotio vt Archidiaconi
& non possunt ligare vel absolueret 3. Conclusio.

fo. Vtraque hæc potestas distinguitur à potestate
 Ordinis. atqui potestas ordinis, quatum ad essen-
 tiam attinet, non distinguitur à sacerdotali cha-
 ractere, qui est indelebiliter impressus in anima.
 At potestas Iurisdictionis, haudquaquam est eius-
 modi. ac sunt nimirum, qui sacerdotio initiati,
 nullo omnino funguntur Iurisdictione, & contra
 sunt qui Iurisdictionem habeant, nec tamen sunt
 sacerdotes. Quarta conclusio. Etsi potestas ordi-
 nis à potestate Iurisdictionis omnino separetur,
 ea tantum ad id necessaria est, vt potestas ordinis
 possit actum suum exercere. oportet sacramen-
 talis poenitentiae dispensatorem habere quibus
 imperet, non potest autem habere imperium in
 quenquam sine Iurisdictione. præter voluntariã
 & vltroneam subiectionem opus est vt quis pa-
 rocho superioris auctoritate subijciatur 5. con-
 clusio. Potestas Iurisdictionis in foro conscien-
 tia non æqualiter in omnibus inuenitur 6. con-
 clusio. Potestas Ecclesiastica Iurisdictionis in fo-
 ro exterior non dicitur immediate sed mediate
 clavis 7. conclusio. Potestas ordinis sacramenta-
 lis indelebilis & immobilis est, potestas Iuridi-
 ctionis externa mobilis & separabilis est sic alta-
 re consecratum semel, non est reconsecrandum,
 sic in schismatico & hæretico manet consecratio
 & character. vnde si postea respiscat recipiatur
 que in gremio sanctæ & Apostolicæ Ecclesiæ, nõ
 est talis reconsecrandus sicuti contra Donatistas
 arguit, B. Augustinus. Potestas autem Iuridictio-
 nis non manet in hæreticis. 7. q. 1. capit. Nouatia-
 nus. Cyprianus ait, qui nec vnitatem spiritus nec
 con-

coniunctionem pacis obseruat, & se ab Ecclesiæ
 vinculo atque à sacerdotum collegio & Episcopi
 separa, nec potestatem potest habere nec hono-
 rem, vnde sequitur hæreticos nostri temporis nõ
 habere potestatem exercendæ in vllos Discipli-
 næ Ecclesiasticæ. 8. Conclusio. Abbatissis & Prio-
 rissis committitur vt regant & corrigant subie-
 ctas mulieres in monasterijs, quoniam periculo-
 sum est, viros cū mulieribus in monasterijs ver-
 sari & eas familiariter regere. Committitur igitur
 mulieribus aliquis vsus clauium, sed nõ po-
 testas clauium 9. conclusio. Licet potestas Iuris-
 dictionis Ecclesiasticæ concedatur non sacerdo-
 tibus, non tamen puris laicis, neque religiosi-
 rona clericali carentibus etiam si monachalem
 habeant coronam vide ext. de iudicijs cap. de-
 cernimus tractat hanc quæstionem doctè Francis-
 scus de Victoriæ Melchioris Cani præceptor in
 Relectione prima, De potestate Ecclesiæ in quæ-
 stione sectionis 7. Vtrum Ecclesiastici sint exem-
 pli à potestate Ciuili & asserit contrariam sen-
 tentiam vel potius errorem Marsilij de Padua &
 Ioannis de Landuno damnatum esse in quadam
 extrauagante Ioannis 21. vt refert Cardinalis de
 Turrecremata li. 4. de Ecclesia vide & Albertum
 Pighium contra hunc errorem in libris de Hie-
 archia Ecclesiastica. Decima conclusio. Sicuti di-
 ditur potestas ordinis in 2. clauis, quippe in cla-
 uem scientiæ & potestatis sic etiam potestas Iu-
 risdictionis in duas clauis distribuitur, quia duo
 omnino sunt necessaria in omni operatione iudicij
 iudicis ferentis de aliquo sententiam, primum pote-

potestas cognoscendi & discernendi personæ illius idoneitatem, deinde potestas definiendi seu iudicandi & ferendi sententiam in causa componenda & perficienda, & hæc duo sunt, quibus in foro conscientię & in foro exterioris iudicij duę claves inter se aliquo modo distinguuntur. 8. Conclusio. Vt in potestate Ordinis non distinguuntur inter se duę claves iuxta essentiam, sed quatenus ad varios & subordinatos actus referuntur. Eodem modo in potestate Iurisdictionis sentiendū est de duabus clauibus, quod uempe iuxta essentiam non distinguantur, quia ad eundem plane spectat discernere ac plane intelligere, quid iustum quidve iniustum sit in causa quam dirimere habet, ad quem pertinet eiusmodi causam definire etiā, ideo ob duos subordinatos actus, qui sunt, discernere quid sit iustum & quid secus, deinde condemnare & absoluerē, duę claves esse dicuntur & eisdem vocantur nominibus, quibus claves ordinis vocantur nempe clavis scientiæ & clavis potestatis.

CAPVT VII.

De Disciplina Lutheranorum.

A Pud Lutheranos neglectam plane esse Disciplinam docte, solide & prolixè ostendit D^s Petrus Canisius li. 1. de Corruptelis verbi Dei ca. 4. à fol. 77. vsque ad fol. 95. eò breuitatis studio beneuolum Lectorem remittimus. tantum Smidolini Præpositi Tubingensis testimonium ascribo. is in 4. Concione in Christi verba Lucæ 21. de terrenis Planetis. germanica eius verba latinè sic sonant,